

Kâ-madji-dôdawindj Widôkâzowinan KIK

Kibawidwogamig Ijchigewin Kanadâng odayân kidji-gabawâdj ashidj kidji-nîgânîkandawâdj kâ-madakamigizindjin nijobibôn eyânidjin konima kaye awashamej.

Kîshpin âwiyen kî-madji-dôdâgôn, niwî-gwayakwenindâmin kidji-mayena ashidj kâgîdâdj tîdâgôn. Taniziwag Kâ-madji-dôdawindj Widôkâzowinan Enabidjig (KWE) ke-mînikwâ tibâdjimowin KIK inakâg ashidj kâ-madakamigizidj inakâg.

Awenîn Ke-odâpiniganiwipan ondje KIK Kâ-madji-dôdawindj Widôkâzowinan?

Kâ-madji-dôdawindj tâ-âwe awegwendog nenigôwizî pwânawitôdj konima kaye omidonendjiganing kego ayindidj, odakî nashawinâdjichigâdenig konima kaye kî-wanitôdj odôndamitâwin ondjisinig ega kashkitôdj ondamtâdj.

Ogo neningowizîg tâ-gashkitôg kego inâkonigewâdj kîshpin kâ-madji-dôdawindj nibodj konima kaye pwânawitôdj:

- Kâ-madji-dôdawindj owîdigemâganan konima kaye owîdabimâganan,
- Odjînawenindâganan konima kaye onîdjânisan ashidj
- Âwiyeg kanawenimâdj kâ-madji-dôdâganiwinindjin, konima kaye epangiskâgodj wîdôkawâdj konima kaye âsokawâdj kâ-madji-dôdâganiwinindjin konima kaye onîdjânisan.

Ked-iji-mâdjîzinahigen Kî-madji-dôdâgôn

Kîshpin kî-madji-dôdâg medakamigizidj nijobibôn eyâdj konima kaye awashamej, mâmakâdj ke-mâdjîzinahigen KIK ondje

tibâdjimowin konima kaye andawenindaman wîdôkâzowin. Enâbigis môshkinebihan ashidj inôzowinobîhan [Mazinahiganeshkwemag kidji-oditinaman Tibâdjimowin âwiyen kî-madji-dôdâgôn](#) mî tash kidji-mîgwen mâmindji-beshiwag KIK konima kaye Kanadâng Onagamiwewogamigông. - [Kidâ gaye madwesidjige kâ-beshiwag KIK Kâ-madji-dôdâganiwidj Widôkâzowigamig](#) kidji-dash kanônadj tibinawe KWE enabidj kidji-wîdôkâg mâdjîzinahigen.

Kâ-madji-dôdawindj Odikidowinan

KIK ogagânzomân kâ-madji-dôdâwindwâ kidji-wâbandahiwewâdj tibâdjimowin sôngenindizowin inakâg ashidj endôdâgowâdj madakamigiziwon ondje wînawa, odôdemiwân ashidj/konima kaye odôdenâwâng.

Mînâ Na Kâ-madakamigizidj Kâ-madji-dôdawindj Odibâdjimowin?

Kîshpin kanônadj KIK Madji-dôdawindj Widôkâzowinan kidji-oditinang tibâdjimowin, kâwin wîndamawâsî kâ-madakamigizidj. Kîshpin mîgiwen tibâdjimowin kidji-âbadak kîjenindaminâniwang kâ-madakamigizidj kidjibwâmashe pagidinindj sâgahang kibawidiwogamigông, mâmakâdj KIK ke-wâbandayâdj kâ-madakamigizindjin. Anisha tash, kidibinawe tibâdjimowin, maya igodj ândî abiyen ashidj kimadwesidjigan tasozinâdeg kâ'n wîkâd tâ-wîndamâganiwisî konima kaye kâ'n kada-wâbandayâsî kâ-madakamigizidj, kîshpin ega mîgiwen kinakongewin.

Oditinigâdeg Tibâdjimowin

Kidâ-oditinân tibâdjimowin kîshpin wî-andatâganadj kâ-madakamigizidj kâ-wîsigâpananig. KIK kida-ganônâg konima kaye KO kidji-gagwedwen. Iyo tibâdjimowin kidâ-wîdôkâgon nisidataman kâ-inâkonindj ashidj ked-ayindidj sâgahang kidji-ani-iji-minoseg sôngenindizoyen. Kidâ-oditinân kaye kodag tibâdjimowin ondje kodagag konima kaye kidâ-mînâ âwiyeg ke-zôngenimadj kidji-oditinang ondje kîn.



Kanadâng Kâ-madji-dôdawindj Kashkitô Inâkonigewin

Kanadâng Kâ-madji-dôdawindj Kashkitô Inâkonigewin (KKKI) ogî-mishâtôn wîdôkâzowin KIK mâgiwedj ondje kâ-madji-dôdawindj ondje madji-ayindiwinan Kanadâng. Kîshpin kîn âwiyen towa kâ-madji-dôdawindj madji-ayindiwining, kibagidinamâgô onon mezinâdegin kashkitôwinan:

- Kashkitôwin ondje Tibâdjimowin
- Kashkitôwin ondje Kipîwewin
- Kashkitôwin ondje Ondinimâgewin
- Kashkitôwin ondje Ajegîweshikâwin

Âjaye kî-gikenindamokîn âwiyen kî-madji-dôdâgôn mâmawe KIK kinawe awashamej kiga-jenimâgo wâbandaman tibâdjimowin kâ-madakamigizidj inakâg, eshidising:

- Kâ-madakamigizidj apîch ke-zâgahang, ândî ke-dijâdj ashidj ijichigewin ke-nôsinehang ashidj kîshpin ega nanîzânizidj wâkâhî maya tanizinâniwang
- Tibâdjimowin KIK medji-dôdawindj-medakimigizidj kaganôdamâgewin
- Nâbibîhiganan KO ogîjenindamiwiniwân, apîch kagwedâgok;
- Ândapîch kâ-madakamigizidj kâ-akoniganiwidj Kanadang kâ-akonâdj Kanada Tibahigan Wîdôkâzowinogamig (KTW)

Kodagan Nanda- gikenindjigewogamigôn

Kâ-onagimiwedjig Kanadâng – Wîdôkâzowinan ondje Kâ-madji-dôdawindwâ

Madwesidjigan: 1-866-806-2275
www.pbc-clcc.qc.ca

Kwayakwâkonigewogamig – Kâ-madji-dôdawindj Pagidinigan

(Shônîyâ wîdôkâzowin kidji-awi-bizindâdjigen Kâ-onagimiwedjig ekidowâdj)

Madwesidjigan: 1-866-544-1007
www.justice.qc.ca

Federal Ombudsman Obiksâyâm ondje Kâ-madji-dôdawindwâ madji-ayindiwining

Madwesidjigan: 1-866-481-8429
www.victimfirst.qc.ca

- Tibâdjimowin pemi-ayindidj medakamigizidj nôsinehang eji-andawenindâgozidj
- Kâ-madakamigizidj odôshki-mazinâzowinan konima kaye medakamigizidj kî-gîshitôdj tasogon kebahiganiwidj

Ojchigâdeg Mijingewin

Kîshpin kwayakwenindaman kigashkitôwinan kî-bôkwahigâdeg, kidâ-gashkitô kidji-mijindaman wîndamawadwâ KIK. KIK tash oga-gijigâbandânâwâ kâ-mijindaman, kada-ijichigeg kidji-gwayakibidjigâdeg iye kâ-bôkwahigâdeg kiga-dash pîdazinâmâgo kâ-iji-mikâdjigewâdj. Kîshpin wî-mijindaman kego kidâ-madwesidawâg KIK Kâ-madji-dôdawindj Wîdôkâzowinogamig 1-866-806-2275 konima kaye email victims-victimes@csc-scc.qc.ca.

Nanda-gikenindâgok Tibâdjimowin

Kida-nanda-gikenindjige mâmawe KIK ashidj kidâ-mikoshkân kodag kego Kâ-madji-dôdawindj Wîdôkâzowinan konima kaye kagwedwen tibâdjimowin.

Madwesidjigan: 1-866-806-2275

Email: victims-victimes@csc-scc.qc.ca

Mizimizide nanda-gikenindjigan: www.csc-scc.qc.ca/victims-victimes

